

पावलका थ्रेसलोनिकीमिमलाई ज्याक्तुम डादोम सेलाखाजेम

पावलकु सेव

१ गो पावल, सिलास नुड तिमोथीका गानी थ्रेसलोनिकीडाम मण्डलीलाई औराम सेलाखाजेम ज्याक्तोडा बोकु। माम्चुनी पाप नुड डाचो येशू ख्रीष्टडा गानी बुनी। माम्चुनीलाम दिदाम नुड न-भ्रसी ल्वानी।

थ्रेसलोनिकीडाम थोरलुपामिमकु थोर

२ गानी खोत्लेकाम लागि गुकु हेल्लो लोवो माम्चुनीलाई आलासो ग्वाकु, मा ईनीमा लागि सोम्दी बोकुम बुकु। ३ थोरका बेबेटिनम ईनीमा खारी, रिखामका बेबेटिनम ब्राम्दुल्ला नुड ईकीमा डाचो येशू ख्रीष्टडाम हाम हुम ल्वापा नका बेबेटिनम ईनीमा इम्सी माम्चुनी पापनुड सोम्दी बोकुलो मिम्कुम बुकु। ४ वा-ल्लाकनी, माम्चुनीका गानीलाई रिखाम बेन्नीमी, मा उनीमा मुचु दुम्मु लागि छेटनीमी ज्वाक्पा गुकु चकु। ५ हेडालोने गानीलाई गुकु थोबेतोकोम जोपा-सेला ने ल्वा कोडडा मेएँ। लावो औराम ने युमनुडमा नुड माम्चुनी-पेललामका छोम थोरबेईमिम बाईडा। गानीनुड गुकु बात्तोकोलो ईनीमा लागि हेसाका बात्तोको मेराम गानी चनीमिम बु। ६ डाचो येशू नुड आकीमा बेसी बेपा गानी दुम्नी। छोम इम्मु मेभापा दुखाडा लोवो माम्चुनी-पेलका गेसिबेटिनमका गानी सिजेम रन्नी। ७ मेमिमका माकेडोनिया नुड अखैयाडाम थोरलुपा खोत्लेका ईनीमा बेसी बोमी। ८ हेडालोने गानीलामका डाचो येशूकु सिजेम खोत्ले

माकेडोनिया नुड अखैयाडा कोडडा थोम्डिम मेएँ, लावो माम्चुनीडा बेन्निम ईनी थोरकु दुथाम खोत्लेथो फोन्सिड्डाम बु। मेम्मा गानीलाई गुकु ज्वामुम बुमु बासिक्पा वाडमिम ल्वा हाम वो मिबु। ९ गुकु ईनीमाडा रोकतोकोम थारीका गानी गुकुलाई जोहोमका हुनाखाना बेत्तीकी। मेम्मा मूर्तिमिमलाई सेव सान्मु डिसाका आच्छाडाकाम नुड हाम्सी वो मेसिपा माम्चुनीकु लाले-पाडके बोमु र्लोन्सिटनी। आर्मिम खोत्ले ल्वाकु दुथाम मेर्मिमका सोमी। १० मेर्मिमका आरे वो ज्वामी, माम्चुनीका सिमुलाम फम्डिम पाह्रीलाम योक्पा उनीमा तारापाचो येशूलाई गानी लन्थानीमिम बु ए। रोमुखापा डिमलुपा माम्चुनीकु नियाडाम येशूका गुईलाई वाड बेसामी।

थ्रेसलोनिकेडा पावलका बुडुम खारी सोयुडुम

२ वा-ल्लाकनी, ईनीमाडा गुकु रोकतोकोम हाम ना हाम मदुप्सावा ज्वाक्पा गानी त्वाकाडा चनी। २ गुकु ईनीमाडा रोमु डादोडा फिलिप्पी शहरडा हाडको छोम मेजोपा बेत्तीकीमी, मा दुखा ग्वावितकीमी, मेराम गानी चनी। मुचुमिम छोम आकी कोर्थालाम बम्डीडा लोवो माम्चुनीका र्लोत्तिकीमका मेडिसाका गुकु उनीमा जोपा-सेला गानीलाई थोबेतोको। ३ गानीलाई गुकु थोबेतोकोम ल्वा ने लिमा ल्वा मबायावा। मेजोपा ननुडमा वो मेबायावा मा सुलाई लु-फेले बेपा आकीमा न मिबु। ४ लावो जोपा-सेला थोबेट्पा दुम्बेन्मु

लागि माम्चुनीका घेट्पा दुम्बेतीकिम होम्साका गुकु सीकु। मुचुमिमलाई ने गर्सिबेट्पा मेएँ, लावो ईकीमा न-गो छाम्पा माम्चुनीलाईडा गर्सिबेट्पा आकी न बु। ५ ओराम ने गानी वो जोहोमका चनी, गुकु हेल्लो वो गानीनुड लोमालेपा ल्वा मेबेकुवा, गानीलाम खउलुड ल्वामु लागि गुकु हेल्लो वो ईनीमा डाप्सो मेलिसिट्कुवा। आकीमा दुथाम खोल्ले ल्वापा माम्चुनी बुमी। ६ मुचुमिमलाम गुकु कोला मेसोसिट्कुवा मा गानीलाम वो मेएँ, वाडमिमलाम वो मेएँ। ७ गुकु ख्रीष्टकु थुर्मा दुम्साका वो गानीलाम डोकपु बेला मेसोसिट्कुवा। लावो त्वाकु चोच्चोमिमलाई डुल्पा माम होडडा गानी गोडा गुकु याक्के दुम्तोको। ८ गानीलाई गुकु छोम रिखाम बेत्तोकोमका माम्चुनीकु जोपा-सेला गानीनुड सोम कोडडा मेएँ, लावो ईनीमा लागि आकीमा साम फ्यामू वो गर्सिद्वाक्पा बात्तोको। हेडालोने गानी छोम आकी द्वादिबुड दुम्निम बाईडा। ९ वा-ल्वाकनी, गुकु मेचाप्तो खारी नुड ब्रामदुल्वा बेत्तोकोम ने गानी चनीमिमडा बु। माम्चुनीकु जोपा-सेला गानीलाई थोबेत्तोकोलो पोमु-डुमुडा भुक्ता मेग्वामुमी ज्वाक्साका नेम्फु सिन्था खारी बेत्तोको। १० गानी थोरलुपामिमनुड बात्तोकोलो गुकु सेपा मुचु, माम्चुनीकु डादोडा जोपा दुम्पा, मा हाम वो मेख्लोट्पा बात्तोको। मेराम ल्वापा गानी बुनी मा माम्चुनी वो बुमी। ११ कोले पापका उ चोमिमलाई बुमीमिम होडडा गुकु ईनीमा सो हन्बेत्तोको, लुम्ला बेत्तोको, छोम ज्वाक्तोको, मेराम गानी चनीमिम बु। १२ हेडालोने माम्चुनीका घेट्पा मिम्मीमिम लाम्दीडा गानी बानी-दोनी। गुमीका उनीमा किब्दी नुड युम-भवाक्सी ग्वामु लागि गानीलाई येनीमी। १३ माम्चुनीलाड् गुकु हेल्लो लोवो आलासा ग्वाकु, हेडालोने उनीमा सिजेम गुकुलाम गानी

थोन्नीलो मुचुमिमकु ल्वा होडडा मेएँ, माम्चुनीकु सिजेमडा ज्वाक्साका रन्नी। मेराम आच्छाडा माम्चुनीकु सिजेम सो, उहेमका गानी थोरलुपामिम गोडा खारी बु। १४ हेडालोने वा-ल्वाकनी, ख्रीष्ट येशूडा बाट्पा यहूदियाडाम माम्चुनीकु मण्डलीमिमकु बेसी गानी बेनिम बु। मे थोरलुपामिमलाई त्वाकु मुचु यहूदीमिमकाडा दुखा ग्वाम्डिम होडडा गानीलाई वो ईनीमा नेब्दीडाम मुचुमिमका दुखा ग्वानीमिम बु। १५ मेर्मिम यहूदीका डाचो येशू नुड माम्चुनीलाम-जेपामिमलाई सेटिमडी, मा गुकुलाई वो खासोवित्की। मेर्मिमका माम्चुनीलाई गर्सिमेबेन्नी, मा खोल्ले मुचुकु कोर्थोलाम बमी। १६ मेर्मिमका गुकुलाई वाडसामामिम सेल्सक्पा जोपा-सेला थोबेन्मुडाम भोप्तीकी। आरे बेसाका मेर्मिमका हापा छुलमिम बेत्तो लम्डी। मेर्मिमडाम छोम माम्चुनीकु छोकचो बक्ताम बु, मा हुम-दडा मेर्मिमलाई देन्दे ग्वामी।

थेसलोनिकीमिमलाई पावलका क्रोम्मु छोम न बुडुम

१७ वा-ल्वाकनी, गुकु घरिकोड गानीडाम फ्वासिक्तोको लोवो आकीमा न-गोका गानीलाई हेल्लो वो मेडिड्कुवा। गुकु ईनीमाडा ख्लोम्सिम छोम माल्तोको हेडालोने गानीनुड आथावो घोम्मु छोम न बेत्तोकोम बाईडा। १८ गुकु ईनीमाडा रोमु छोम माल्तोको, मा गो पावल ने हापा खेपडा रोमु माल्तो, लावो शैतानका भोप्तीकी। १९ ईकी डाचो येशू योमीलो उनी डादोडा हाम-हुम ल्वापा आकी न लोवो, आकी न-भ्रसी लोवो, आकी पुरस्कार लोवो, गानीडा मेएँ मा? २० आकी न-भ्रसी नुड आकी युम-भवाक्सी आच्छाडा गानीडा सो। ३ गुकु हापासम्म लम्थामुमबुमु मेचाप्कुवा। मेम्मा आकी त्वाप ने एथेन्स शहरडाडा बाट्पा मुलु बेत्तोको,

२ लावो आकी ल्वाक तिमोथीलाई ईनीमाडा थुर्तोको। गु माम्चुनीकु डुल्चो दुम्साका खारी बेपा नुड ख्रीष्टकु दुथाम जोपा-सेला गुकुनुड थोबेट्पा मुचु सो। गानी माम्चुनीडा छोम थोरलुपा दुम्मु गुका र्लोनी मा ईनी सो हन्बेन्सानी ज्वाक्पा आकी न बु। ३ मेम्मा ओर्मिम दुखाका गानी गोडाम सु वो उनी गो मंभ्रसिक्पा मेदुम्मीनु। गुकु आरेप्पाम दुखा ल्वामु लागिडा थुसिक्तोकोम ज्वाक्पा गानी त्वाकाडा चनी। ४ गुकु गानीनुड बात्तोकोलो ईकीमा थोमतेर्साक्सामी ज्वाक्थाल्तोको। आच्छाडा मेमडा दुस्ता, मेराम गानी जोहोमका चनी। ५ मेम्मिमका गो इम्मम बुमु मेचापुवालो ईनीमा थोरकु दुथाम चमु लागि तिमोथीलाई गो ईनीमाडा थुर्तो। याडलो शैतानका ईनीमा न छाम्मु चाप्सु, मा गुकु बेत्तोकोम खारी ब्लाम-ब्लाम बु ज्वाक्पा आमा डिम लुडाम बाईडा।

तिमोथीका सो हन्बेट्पा सेला रेड्डुम

६ लावो ईनीलामका तिमोथी ओम्लो आकीमाडा रोकताम बु, मा ईनीमा थोर नुड रिखामकु दुथाममिम भ्रपा ल्वा रेड्डुम बु। गानी हेल्लो लोवो गेर्सिद्वक्तो गुकुलाई मिम्कीनी ए, मा गुकुनुड भ्रोम्मु न बोनी ए ज्वाक्साका गुका सोयुडु। मेम्साकाडा गुकु वो गानीलाई क्रोम्मु न बोकुमिम बु। ७ मेम्मिमका वा-ल्वाकनी, ईनीमा थोरका खोत्ले आकीमा दुखाडा नुड थोमतेर्साडा वो आकीमा सो हन्डाम बु। ८ डाचो येशूडा गानी छोम थोरलुपा दुम्मिम बुनी माला आकी साम रोकपा होडडा दुम्कु। ९ ईकीमा माम्चुनीकु डादोडा गानी गेर्सिबेतीकीमकाम लागि माम्चुनीलाई गुकु हाडको आलासो ग्वाकु लोवो मेलिडु! १० गानीनुड आथावो भ्रोम्मु मा गानीलाई छोम थोरलुमुडा र्लोमु लागि नेम्फु सिन्था

सोम्दी बोकुम बुकु। ११ माम्चुनी ईकी पाप नुड ईकी डाचो येशूका गुकुलाई गानीनुड क्रोम्बेन्कीमीनु। १२ गानीलाई गुकु रिखाम बोकुमिम होडडा ईनी त्वाप-त्वापडा बेबोनीमिम रिखाम डाचो येशूका बर्बेन्सानीमीनु मा वाडमिम मुचुमिमलाई छोम रिखाम बेपा दुम्बेनीमीनु। १३ माम्चुनीका गानीलाई छोम थोरनुडमा दुम्बेनीमीनु, मेम्साका ईकी डाचो येशू खोत्ले सेपा उनी मुचुमिमनुड योमीलो माम्चुनी पापकु डादोडा गानी मेरुलोत्पा नुड सेपा दुम्नी।

माम्चुनीलाई गेर्सिबेत्तो बुमु

४ हुम-दडा, वा-ल्वाकनी, गुकुलाम माम्चुनीलाई गेर्सिबेसाका बानी ज्वाक्साका डाचो येशूक नडडा छोम ज्वाकु। डादो वो गानी आरेडा बेन्निम बु, मा आथावो छोम मेमडा बेनी ज्वाक्साका ईनीमा सो हन्बेन्कु। २ हेडालोने डाचो येशूकु साखामका गानीलाई गुकु हा-हाम सीत्तोको, मेराम गानी चनी। ३ गानी सेपा दुम्नी ज्वाक्पा माम्चुनीकु न बु। मेम्मिमका खोत्ले नाम्सुर बोमुडाम वाड बानी। ४ ईनीमा *मिरोमडा सेपा दुम्साका नुड डोकुपु मिम्साका बानी-दोनी। ५ माम्चुनीलाई मेछेपा थोरमेलुपामिम होडडा मेसेमनुड छोम अम-अमद्वक्पा ननुडमा मेदुम्नी। ६ सुका वो आरेसाका लु-फेले बेसाका थोरलुपा वा-ल्वाकलाई मेजोपा मेबुनु। गानीलाई गुकु डादोडा ज्वाक्तोकोम नुड डिमसाट्पा होम्साकाडा आरेप्पाम खारी बेपालाई डाचो येशूका देन्दे ग्वामी ७ सेपा मुचु दुम्मुमा बुमु लागि माम्चुनीका येसाडडामिम, मेसेपा दुम्साका बुमु लागि ने मेएँ। ८ मेम्मिमका सुका ओर्मिम सीसि मेद्व्वाकु, मेरामका मुचुलाई मेएँ, माम्चुनी-पेल ग्वाक्पा माम्चुनीलाई

१४:४ *त्वाकु मिरोम ज्वाक्पा वोचु-मोचु सो।

मेद्वाकु। ६ लावो थोरलुपामिमलाई
रिखाम बोमुकु दुथाम गानीलाई
गुकु ज्यामुम बुमु मेबासी। हेडालोने
रिखाम बेबेनी ज्वाक्साका माम्चुनीलाम
ईनी त्वाकाडा सीन्सिटिनम बु।
१० खोत्ले माकेडोनियाडाम थोरलुपामिम
खोत्लेलाई गानी आच्छाडा रिखाम
बोनी। वा-ल्वाकनी, मेमकाडा आथावो
हापा रिखाम बेत्तो लनी ज्वाकु। ११ डादो
गुकु गानीलाई ज्वाक्तोकोम होडडा
लिवा बानी, त्वाकु खारी मिम्पा दुम्नी,
त्वाकाम लागि त्वाकाडा खारी बेनी।
१२ मेम्साका थोरमेलुपा मुचुमिमका
ईनीमा बेसी-पेसी जोपा मिम्मी, मा गानी
वाडमिमनुड बिमु वो मेबासी।

मुचुमिम सिमुलामका बम्पोमी

१३ वा-ल्वाकनी, डादोडा
*अम्पामिमकु दुथाम चन्जोल्नी
ज्वाक्पा आकीमा न बु। मेम्मा सिईमिम
चडडा आथावो नुई ज्वाक्पा गानी
मिम्नीमिम ल्वा मेचक्पा मुचुमिम
होडडा मेयेनी-मेखाप्नी। १४ येशू सिम्डी
मा आथावो बम्पोम्डी ज्वाक्पा गुई
थोरलुई। मेमिमका येशूडा थोरलुसाका
सिपा मुचुलाई माम्चुनीका फमीमा
येशूनुड रेन्मी ज्वाक्पा थोरलुईमिम बु।
१५ डाचो येशूका गुकुलाई ज्वाडिम
ल्वा गानीनुड ज्वाकु। डाचो ख्रीष्ट
ख्लोम्सिप्पीमिमनेम गुई सामनुडमाका
सिप्ल्याक्पामिमडाम डादो गुमीलाई
मेक्रोम्डी। १६ डोक्पु-पाहीचोकु लोलाम
नुड पाहीचोमिमका माम्चुनीकु तुरही
डुप्पीमिमकु लोलामका डाचो येशू
उनी त्वापडा डोक्पु लोलामका
साखामनुड येत्तो पाहीलामका योमी।
मेम्मा ख्रीष्टडला थोरलुसाका सिपामिम
डादोडा बम्पोमी। १७ मेकोतिमा गुई
सामबाट्पा ने डाचो येशूलाई धामुला
क्रोम्डा मैर्मिमनुडडा खासेडलामका

माम्चुनीका कोक्सामी। मेमलो आथाम
हेल्लो लोवो गुई डाचो येशूनुड दुम्सिम
बुई। १८ मेमिमका ओर्मिम ल्वाका
खोत्लेकाम सो हन्बेबेनी।

डाचो येशू योमीमिमनेमकाम लागि भोम्जोल्सिटनी

५ वा-ल्वाकनी, ओर्मिम खोत्ले हाम्सी
दुमु, मेरामकु दुथाम गानीलाई गुकु
ज्यामुम बुमु मेबासी। २ हेडालोने खुचुवा
सिन्था रोमिम होडडा चमवो मेलुमिमनेम
डाचो येशू योमी ज्वाक्पा गानी जोहोमका
चनी। ३ “आकी न भ्रसिक्पा बु, हामकाम
वो डिम मिबु” ज्वाक्साका मुचुमिमका
ज्वामिम बुमी। मेराम थारीकाडा गोजुमे
मेसेमका चोचो कमु लागि उ थोम
नोपा थारी रोथामिम होडडा स्वामु
मेल्वासाका मेर्मिम कोचोत्ति पुयुलुमी।
४ लावो वा-ल्वाकनी, गानी तुकुम्चिम
होप्पाम ओराम सुम्दीसेरडाम मुचु मेएँ।
मेमिमका खुचुवा रोलो होडडा डाचो
येशू योमीलो डाडायामेदुम्नी। ५ हेडालोने
गानी खोत्ले ओलडाम नुड नेम्फुम मुचु
सो। सिन्थाम नुड तुकुम्चिमडाम मुचु
गुई मेएँ। ६ मेमिमका वाडमिम मुचु
होडडा मेअम्सी, चडचडया बुई, मा
त्वापलाई जोहोमका जुल्पा दुप्सी।
७ अम्पा मुचुमिम सिन्था अम्मी, डुका
सेट्पामिमलाई वो सिन्थाडा डुका
सेडुमी। ८ लावो गुई ने नेम्फुम मुचु सो,
मेमिमका त्वापलाई जोहोमका जुली,
येशूडा थोरलुमुम बुमु मा वाडमिमलाई
रिखाम बोमुम बुमु लागि बोपा-थार्पा
धक्चीखेम फम्सिमुबासी। मेम्मा येशूका
सेल्सामी ज्वाक्साका ईकी त्वापलाई
बोपा-थार्पा ताकी खुम्सिमुबासी। ।
६ माम्चुनीका उनी छोक्चो गुईडला
हान्मु लागि मेएँ, लावो ईकी डाचो
येशू ख्रीष्टलामका गुईलाई सेल्मु लागि
थुसाड्डामी। १० ख्रीष्ट योमीलो सिपा

१४:१३ *सिपामिम।

बुई लोवो नुपा बुई लोवो गुमीनुडडा गुइर्
हेल्लो लोवो दुम्सीनु ज्वाक्साका ईकीमा
लागि ख्रीष्ट सिम्डी। ११ मेम्मिमका गानी
बेतोडा बोनीमिम होम्साकाडा ईनीमा सो
ह-बेबोमु नुड माम्चुनीडा हापा थोरलुमु
लागि ख्लोबेनी।

हम-दडाम मुलुडुडकु

१२ वा-ल्लाकनी, ईनीमा थेतेडा
छोम ब्राम्दुल्वा बेपा, सीपा मा डाचो
येशूडा क्रिपा मुचुलाई डोकपु बेनी
ज्वाक्साका गानीलाई गुकु छोम ज्वाकु।
१३ मेर्मिमका खारी बेम्डिमका रिखाम
बेसाका मेर्मिमलाई छोम डोकपु बेनी।
खोत्ले मुचुनुड दुसाका बानी। १४ वा-
ल्लाकनी, भ्रपा मुचुलाई डिमसाट्नी,
डिपामिमकाम उनी न बन्साट्नी। ख्लोमु
बासिकपामिमलाई ख्लोनी। खोत्लेनुड
इम्सिक्साका बानी। १५ रेप्नी, सुका वो
मेजोपा बेपालाई मेजोपा मेबुनु, लावो
त्वाप-त्वापडा नुड खोत्ले मुचुलाई
हेल्लो लोवो जोपा बोमु माल्पा दुम्नी
ज्वाक्साका ओराम ल्वा ईनीमा नडा
जुल्नी। १६ हेल्लो लोवो ईनीमा नगोडा
भ्रन्सिट्नी। १७ हेल्लो लोवो सोम्दी

बेनिम बानी। १८ गानीडला हा-हाम दुम,
मेर्मिम खोत्लेकाम लागि माम्चुनीलाई
आलासो ग्वाक्नी। येशू ख्रीष्टकु मुचु
दुम्साका ओरामडा गानी बोमीनु ज्वाक्पा
माम्चुनीकु न बु। १९ गानी गोडा खारी
बोमुडाम माम्चुनी-पेललाई मेभोप्नी।
२० माम्चुनीलामिमिम-जेसीलाई सेम्ला
मेबेट्नी। २१ गानी हाम थोन्नी मेराम
छाम्नी। मेम्मा जोपा हाम बु मेराम रनी।
२२ मेजोपा खोत्ले ल्वाडाम वाड बानी।
२३ न-गो भ्रसिबेट्पा माम्चुनीका खोत्लेडा
गानीलाई सेपा दुम्बेन्मीनु। मेम्मा खोत्ले
ईनीमा मिरोम, न-गो, साम डाचो येशू
ख्रीष्ट योमीलोसम्म हाम वो मेख्लोट्पा
दुम्बेन्मीनु। २४ गानीलाई येट्पा माम्चुनी
थोरलुईमिम बुमी, मेम्मिमका गुमीका
आरे बोमीडा सो। २५ वा-ल्लाकनी,
सोम्दी बेसाट्कीनी। २६ खोत्ले वा-
ल्लाकमिमलाई ख्रीष्टियनकु रिखामका
सेव साट्नी। २७ डाचो येशूकु डादोडा
गो गानीलाई ज्वाडु, ओराम सेलाखाजेम
डाड्नीमा खोत्ले वा-ल्लाकमिमलाई
थोबेट्नी। २८ ईकीमा डाचो येशू ख्रीष्टकु
दिदाम गानी खोत्लेनुड दुम्मु।